

TE HEHEURAA API

I neia i te piha neneiraa a Henere, i Roto Miti i Utah, no te Ekalesia a Iesu Mesia i te Feia Mo'a i te Mau Mahana Hopea Nei, i Papeete, Tahiti, i te mau fenua Sotaite, i te mau avae atoa. Te hoo, e piti farane i te matahiti hoe.

Nu. 8

Atete, 1915

Mat. 9

“E oia mau e parau atu vau ia outou, ia patuhia teie nei fare i to'u ra i'oa, ia faite au i ta'u mau oroa i reira, i to'u ra mau taata, te opua nei hoi au i te faaite i ta'u etaretia i te mau mea o tei hunahia mai, hou te tumu o teie nei ao; te mau mea o tei haapaohia no te tuuraa parau i te hoperaa mau o te mau tau ra; e e faaite atu hoi u i ta'u tavini ia Iosepha i te mau mea atoa o tei haapaohia no te tuuraa parau i te hoperaa mau o te mau tau ra; e e faaite atu hoi au i ta'u tavini ia Iosepha i te mau mea atoa o tei haapaohia no teie nei fare.”—B. F. S. 107:13.

TE MAU HIERO TAHITO E RA E I TEIE NEI HOI.

(Tautiraa)

Na te Parau a te Atua i haapapu e, na Iesu i patoi puai i te mau ohipa i ravehia i te heiro e te mau hoo tao'a e te feia tei haaputuputu i roto i te mahora o te hiero. Noa'tu i to'na potoiraa ua farii mau oia i te reira fare ei mea mo'a; e i to'na mana'o o te Fare ia no te Atua.

E tae roa i to'na poheraa i nia i te satauro i Kalavari i to'na pii raa hopea ei reira ua mahae piti ihora te parauru

o te heiro. E i reira ua hi'o noa te mau taata ra i roto i te vahi mo'a roa. Te vahi hoi i tai ore roa ia hi'o e aore râ e tomo o roto, maoti ra na te tahu'a rahi e tomo i te taime hoê noa iho i te matahiti hoê ra.

“E inaha, ua mahae ihora te paruru o te hiero ra, mai nia mai â e raro roa, ua aueue ihora te fenua, e amahamaha ihora te mato.” Mataio 27:51.

A ora i te Mesia i te pae tino ra ua tohu oia i te haamou-roa-raa o taua hiero ra.

“E tei te haereraa'tu Iesu i rapae au i te hiero ra, ua haere maira ta'na mau pipi, ua faaite maira ia'na i te patu o taua hiero ra. Ua parau atura Iesu ia ratou, Te ite nei outou i teie nei mau mea? oia mau ta'u e parau atu ia outou nei, E ore roa te hoê ofai e vaaihohia i nei iho te tahi, e hope roa i te hurihia i raro.” Mataio 24: 1, 2.

I roto i te matahiti 70, i te taime hoi i riro Ierusalema i te mau Romana, i raro ai i te faatereraa o Titus, ei reira ua pau te heiro i te auahi.

Aita te hoê parau tahito i haamaramarama mai e hiero to te feia mo'a i roto i te tau a te mau Apostelo. E ia tupu rii noâ te taivaraa ua moe roa atoa i te taata ra te auraa o te heiro. Ua ma ri i muri e rave rahi te hanere o te matahiti e aore roa'tu te mau taata i pupu atu i te hoê hiero i te Atua. E te huru ia aita ratou i ite i te faufaa o te hiero.

Na te Ekalesia rahi taiva i faaite mai ua ore roa te parau a te Atua i te taeraa mai, e tei ia ratou te mana mau.

E parau mau ia, e rave rahi te mau fare pureraa rahi nehenehe roa i patuhia. Ua haamaitahia e ua pupuhia hoi taua mau fare ra, ia Petero e aore râ ia Paulo e ia Iakobo e ia Ioane e aore râ ia Maria e aore râ ia vetahi e mau taata. Aore roa'tu te hoê noa'tu fare i patuhia i te io'a e te tura o Iesu, te Mesia. I rotopu te mau fare pure e te mau fare parauhia e mea mo'a aore roa'tu te hoê i patuhia i To'na

io'a. Ua parauhia o te pope i noho i Roma, o oia te auvaha na te Mesia e aore noa'tu te heheuraa e tia noa ia faaite oia i te hinaaro o te Atua.

Aore roa'tu te Autahu'araa mo'a i itea hia i rotopu i te taata ra e tae roa'tu i te ahuru ma iva o te tenetere, i te tau mau i faaho'ihia mai ai te Evanelia mau. Ia vai te autahu'araa mo'a i roto i te hiero e tia, e e mea faufaa ore te hiero ia ore te autahu'a mo'a.

I roto i te matahiti a te Fatu 1820, na te hoê tamaiti apî, o Iosepha Samita, te peropheta a te tau hopea nei i farii i te hoê heheuraa no te ra'i mai, e ua ite oia i te Atua Metua e i to'na Tama ti, o Iesu Mesia, e na raua i haapii mai ia Iosepha. Na roto ia Iosepha i faaho'ihia mai te Evanelia no te tau tahito e ua faa-tumu-faahou-hia te ture tahito. E i roto i te tau mau, na roto i te raveraveraa a taua peropheta, i maiti-mau-hia, ua faatia-hia te Ekalesia a Iesu Mesia i te Feia Mo'a i te Mau Mahana Hopea Nei.

Ua faa tia h a te Ekalesia nei i roto i te matahiti 1830 e i te matahiti 1831 ua farii hia te hoê heheuraa tei faaue mai ia faaineine te feia mo'a e faatia i te hoê heiro i Initipeneti. Aita i hamanihia taua hiero e tae roa i teie ne', te opua nei râ te Ekalesia e faatia i te reira hiero i te vahi mau i faaite-hia, e te vai atura te manhana e oti ai taua ohipa ra.

Te hiero matamua i oti i te tau hopea nei, tei Kirtland te t'araa. I roto i Mati i te matahiti 1836 i oti ai taua hiero ra. Ua far ihia taua hiero e te Atua e ua faaite hia to'na mana i roto ra. I roto i taua hiero ua faaroohia e ua iteahia hoi o Iesu Mesia.

Ua rave hia taua Fare a te Atua e piti noa iho matahiti ei reira ua tiavaru hia'tu te feia mo'a e te ratou mau enemî. Ua haere atu ratou i te too o te râ e ua faatumu ratou i to ratou parahiraa i Missouri e i muri iho i Ilinoi e ua riro te oire Navu te oire rahi o te feia mo'a. Aita i maoro e ua tae mai te hoê re'o heheu tei faaue mai ia faa-


tiahia te hoê hiero na te Atua i reira. Tera mai te parau a te Fatu:—‘E teie â hoi, oia, mau ta’u e parau atu ia oe nei, a tuu mai i ta’u mau feia mo’a no te fenua roa mai, e a tonou outou i te mau vea tere oioi, oia ia, ei mau vea maitihia, a parau atu ai ia ratou. A haere mai outou mai ta outou atoa ra auro, e te ario, e te mau ofai unauna, e te mau huru taoa tahito atoa ra, e te feia atoa o tei ite i te parau no te mau mea tahito ra, o tei hinaaro maira a haere mai, e a afai atoa mai i te tumu raau afata, e te fa, e te tumu paina, e te mau raau maitatai atoa no te ao nei; e mai te auri, e te veo, e te veo paari, e te zinc; e te mau mea maitatai atoa no te ao nei, e ia faatiahia te hoê fare mai to’u nei ioa, ei parahiraa no Tei Te tei ra; aore roa hoi e vahi i iteahia i te ao nei e tia ai ia’na ia haere mai e ia faahoi fahou mai i tei moe ia outou, oia hoi, i tei afai-ê-h a e ana, oia hoi te îraa, no te autahu’araa; aore hoi e vai nei e farii pape bapetitoraa i te ao nei; ia bapetitohia ratou ta’u feia mo’a no te feia i pohe ra, no ta’u fare hoi te reira oroa, e ore hoi e fariihia e au maori râ i te mau mahana i veve ai outou nei, e ore ai e oti ai ta’u fare ia outou. Te faaue atu nei râ vau ia outou atoa, e ta’u feia mo’a, ia hamani outou i te hoê fare no’u; e te horoa atu nei au ia outou i te hoê taime e navai ei faatiaraa i ta’u fare, e i roto i te reira taime a faatia atu ai au i ta outou ra mau bapetitoraa.

E inaha, i te hopea mai no te reira taime i faataahia e ore ta outou mau bapetitoraa no te outou mau taata i pohe ra e fariihia e au; e ia ore outou ia rave i teienei mau mea ia hope te taime i faataahia, e faaruehia outou i te outou huru-etaretia-raa e to outou atoa feia i pohe ra, te na reira maira te Fatu to outou ra Atua. No te mea, oia mau te parau atu nei au ia outou, e ia noaa ia outou te maa taime navai maite ei faatiaraa i ta’u fare, tei reira hoi te oroa bapetitoraa no te feia i pohe ra te haapao-raa-hia, e no reira hoi i faatupuhia ai hou te tumu o te ao nei, e ore ia ta outou

mau bapetitoraa no te feia i pohe ra e far ihia e au, tei reira hoi te mau taviri no te autahu'araa mo'a te faatumu-raa-hia, ia noaa ia outou te tura e te hanahana. E ia hope te reira taime ei reira ta outou mau bapetitoraa no te feia i pohe ra, o tei ravehia e te fe a i haapurara-ê-hia ra e ore e farii-hia e au, te na reira maira te Fatu; ua haapaohia hoi ei roto ia Tiona, e i ta'na ra mau titi, e i Jerusalema, te mau vâhi ta'u i haapaohia e haapuraa, ei reira ta outou mau bapetitoraa no te feia i pohe ra.

E teie â hoi, oia mau te parau atu nei au ia outou, eaha ta outou mau horoiraa e fariihia ai e au, maori râ ia haapaohia e outou i roto i te hoê fare o tei patuhia e outou no to'u ra ioa? No te mea, no reira hoi au i faaue ai ia Mose ia patu oia i te hoe puhaparaa ia afai-haere-atoa-hia e ratou na te medebara, e ia patu ratou i te hoê fare i roto i te fenua i parauhia ma'ra, ia faaitehia te mau oroa o te vai hunanoa-hia mai hou atu i te ao nei, no reira, oia mau ta'u e parau atu ia outou nei, i ta outou mau tahinuraa, e i ta outou mau horoiraa, e ta outou mau bapetitoraa no te feia i pohe ra, e i ta outou ra mau putuputuraa hahano ra, e i ta outou ra mau parau faaiteraa no ta outou ra mau tut'a, i te mau tamarii a Levi, e i ta outou ra mau parau a te Atua i roto i ta autou ra mau vahi mo'a roa ra, e iteahia ai ta outou ra mau paraparau raa, e ta outou ra mau ture e te faaotiraa parau, ei haamataraa no te mau heheuraa e te faatumuraa no Tiona, e no te hanahana e te tura e te horoaraa i ta'na atoa ra mau haapaoraa, e ua faataahia e te oroa no ta'u fare mo'a, o tei faauehia to'u ra mau taata i te mau tâu atoa ia patuhia i to'u ra ioa mo'a.

E oia mau e parau atu vau ia outou, ia patuhia teienei fare i to'u ra ioa, ia faite au i ta'u mau oroa i reira, i to'u ra mau taata, te opua nei hoi au i te faaite i ta'u etaretia i te mau mea o tei hunahia mai hou te tumu o teienei ao; te mau mea o te haapaohia no te tuuraa parau i te hoperaa




E hoho'a teie no te hiero api i patuhia e te Ekalesia a Iete Mau M
 mau o te mau tau ra; e e faaite atu hoi au i ta'u tavini ia
 Iosepha i te mau mea atoa o tei haapaohia no teienei fare."
 —Buka Fafau Sanito 107:10-13.

Ua haamauhia te niu o te Hiero i Navu i te 6 no Epe-
 rela, 1841 e ua haamaitaih a i te 30 no Eperela 1846.

Hou taua hiero i faaotihia'i ua tae te enem i nia i te
 Fe'a Mo'a e ua reva'tu te tahi pae o ratou e aita i maoro
 ua faarue-roa-hia taua fare ra. I te matahiti 1848 na te
 enem i tutui i te auahi e o te patu ana'e tei toe. I te ma-
 tahiti 1850 na te hoê puhi-ohi'o puai roa i vavahi i te patu
 te tia noa na.

I te 24 no Tiurai i tae mai ai te Feia No'a i te peho o



ia a Iete Mau Mahana Hopea Nei i te oire ra o Cardston i Canada


te Roto Miti e i te reira tau e medebara mau ia, i taua ihora mahana na Birigama Ione, peropheta, i imi te hoê vahi mai-tai no te hiero e ua tuu to'na turutootoo i roto i te repo ma te parau ra e, "I ò nei tatou e faatia i te hiero o te tatou Atua." E i taua ihora vah te tia noa ra te hiero nehenehe ra i te Roto Miti. I roto i Febuare 1853 ua haamaitaihia te fenua tiaraa o te hiero e i te 6 no Eperela ua haamauhia te niu. E maha ahuru o te matahiti te raveraa ohipa i nia i taua fare ra, e i te 6 no Eperela 1893 ua faatomohia taua hiero ra. E oroa nehenehe roa i haapaohia i te tomoraa.

Te faaite atu nei te Ekalesia a Iesu Mesia i te Feia Mō'a i te Mau Mahana Hopea nei e, tei ia'na te Antahu'a-

raa Mo'a i faaho'ihia i te ao nei, E tei atoa ia'na te faaue mana no te ra'i mai ia faatia, e ia haapao te mau hiero o te Atua i faatiahia i te io'a e tura e te oh pa o te Atua ora ra.

E tei ia'na te mana ia raverave te mau oroa i roto i taua mau fare mo'a ra e e mana taua mau oroa ra i teie nei oa e i te ao a muri atu.

— O —



Sectional View of South Gardens PP1E SF

E hoho'a teie no te faaiteraa tao'a (Exposition) i San Francisco

TE MAU PARAU API.

—o—

I te 16 no Atete ua roohia te oire Galveston i Amarika i te hoê matai puhi'ohi'o e te miti rahi; e au hoi te reira miti i te ati i roohia'i Tahiti ma i na matahiti a'enei. Ua parauhia te puai o te mata'i e roaa e hitu ahuru e ma pae maile i te hora hoê. Te faufaa i pau i teie ati nei e roaa e hoê ahuru e ma pae milioni dala e e hoê hanere e te t'ahapa taata i pohe. Ua nina-roa-hia te oire i te miti e pae avae te teitei. I te matahiti 1900 i roohia ai taua oire i te ati ino roa e ua pohe te hoê nunaa rahi taata e i muri iho i te reira na te hau i patu i te hoê aua patu ei paruru i te miti i te taeraa mai i nia i te oire.

—o—

I roto ia Tiurai ua opua te hoê totaiete hamani matini uira e faauta'tu i to'na mau taata rave oh'pa, i te hoê hautiraa e te arearea. Ua tausani te mau taata rave oh'pa no taua totaiete e ua tarahuhia na pahi auahi e faauta'tu ia ratou e to ratou mau utuafare i te hoê motu iti. I te mahana i faataahia ua haere te mau taata i nia i te na pahi. Ua tae e 2,480 taata i nia i te hoê pahi a parahi ai oia i pihai iho i te uahu; ei reira motu roa te mau taura e ua tahuri te pahi, pohe roa'tura e hoê tausani e te tiahapa o taua mau taata ra. E pahi rahi taua pahi ra mai ia Mariposa te huru e e pahi tere puai; ua parauhia râ e pahi tere ino e tahuruhuri noa. O Eastland to'na io'a.

—o—

I roto ia Atete nei ua tupu te hoê tau veavea roa i te fenua Paniora e i te 10 no Atete e raverahi roa te taata i pohe. Te tai'oraa i nia i te thermometer (fai to mahana-hana) i tae i te faito 133.

—o—

E te haamataraa i te oh'pa Evanelia i to Amaa i Taka-

roa i te tere no to matou peritetei Eraneta. Ua ite oia i te matamua a tona tere i taua fenua ra.

Ua farue au i Papeete i to'u piha toroa i te vahi tei reira to matou fare pureraa i te mahana 10 no Tuirai e ua reva mai au na nia i te pahi Auahi (St. Francois) e i te vahi o tei opuahia i te matamua e haere atu ia i te fenua ra Hao, e i muri iho i Hikueru o te vahi ia mana'ohia no to matou Amuiraa. Ei to matou tapearaa i Apataki o te fenua matamua ia i tapaehia e te pahi auahi; e i reira ua i te hoê mau taata maitai no to matou haapaoraa.

Hou to'u tapaeraa'tu i Apataki tei reira te hoê pati o Te muri aroha no Takaroa mai; e ua farerei au i te mau taata no te ekalesia, e ua faaite maira ratou e e mauruuru roa te feia ekalesia no Takaroa ia farerei iaoe. Ei te mahana i muri a'e ua ha haere atura vau, e farerei ia ratou na nia i taua poti ra i Takaroa.

E piti mahana i muri iho ua tapae atura matou i taua oire ra. Aita te mau taata i ite e tei nia vau ia te Muri Aroha e aore ratou i mana'o e haere ma' e farerei ia'u. E inaha aita i maoro i te ihora te mau taata e ua tae mai au, ua haere maira ratou e aroha rima ia'u, e ua i roa vau i te oaoa ma te popou rahi.

Ei te poipoi a'e o te mahana Sabati ia, ua haaputuputu maira te feia mo'a i te hora 8 i te poipoi oia hoi te autahu'araa, e ua ravehia mai te au o tei ravehia i Ziona.

Ei te hora 10 i te poipoi ua haaputuputu maira te feia ekalesia atoa e rave rahi; e i roto i taua pureraa ra ua faataahia taua ta me ra na'u te a'oraa evanelia. E no te mea te vairaa te hoê taata o tei ite i te parau Farani, o Mapuhi a Mapuhi e na'na i auvaha i te parau i te re'o Tahiti. E ua haamata vau i to'u mana'o i nia iho i te Buka a Moromona e te mau taata no to'na ra anatau, e no te mau taata i te mau fenua moana ne' e te mau haamaitairaa a te Atua i nia iho ia ratou.

E i te hora 11 i taua mahana ra ua haamatahia te Haapiiraa Sabati; e mai te au maitai i te huru e ravehia i Ziona, ua haapao maitai te mau pipi i te mau vahi atoa i haapiihia ia ratou e te ratou mau orometua pupu e ua haere titiaifaro i te mau vahi atoa i haapihia'i ratou ra.

Ei te hora 3 i te ahiahi ua haaputuputu faahou ratou i te pureraa.

Ei te hora 7 i te ahiahi pureraa na te feia apî e ua tairuru mai ratou atoa e ua haamatahia na roto i te himene i roto i te Puka Himene, e na Mapuhi a Mapuhi i faatere i taua putuputuraa ra e ua faaterehia te parau tuatapape no Iosepha mai te au i te mau tufaa i horoahia'tu i te feia i faataahia, e ua haapao maitai taua feia ra o tei mau i te tufaa. E muri iho ua uiuihia'tu i te to te ekalesia atoa taua mau tufaa ra, e ua ite anae ratou, e ua haapii i te evanelia mau a Iesu Mesia, e ua oaoa roa vau i te hi'oraa i taua huru i to'u taeraa i roto i roto i taua amaa ra, e te itoitohi o te feia apî i ni a ho i te mau haapiiraa.

—o—

I te Roto Miti i te 16 no Atete, 1915.

O outou tei parahi i Tahiti ma, Ia ora na outou i te araha o te tatou Fatu ia Iesu Mesia Amene. O vau o Hebera Tefera tei papai i teie parau iti ei faaiteraa i te hoê parau apî ia matou nei.

I roto ia Atete nei ua faataahia na mahana e piti ei na mahana farereiraa i te oaoaraa no te mau orometua'toa tei poro-haere i te Evanelia i te mau fenua moana ra. Te mau orometua no Ovaihii, e no Samoa e no Tahiti e no Niu T. lani, e no Iapone. I te 14 e te 15 no Atete ua tairuru ana'e matou i te oire ra Logan, te pae rahi no nia i te pereoo auahi i te haere, e te tahi pae no nia i te automobile i te

haereraa'tu. Ua tae i reira to tatou peropheta o Iosepha F. Samita, e orometua oia i te matamua i Ovaihi ma. I reira atoa o Tihare Nibbley, te Epetetopo Rahi, i reira atoa o Farani Fulumare e o ta'na vahine o Made e te raua tamahine iti, e o Tihoni Tanona e ta'na vahine e tooono tamarii no raua, o Hebera Tefera e ta'na vahine e te tahi tamaiti na raua, e o Olive, e tana vahine e tootoru tamarii e o Etera e toopiti tamarii, e o L'ona, e o Toma Vutuberry, e o Iete e o Amota, e o Tila, e o Tihoti (Pearson) e o Henere e ta'na vahine, e o Ira, e o Maratini, e o Lui (Westover) e o Ora e ta'na vahine e ta raua tamaiti, e o Lui Ripi. Ua hanere te mau orometua no Ovaihi ma e Samoa ma e no Niu Tilani, e e rahi roa to ratou mau hoa e ia tai'ohia matou atoa ei nunaa rahi roa ia. Ua riro te reira farereiraa ei farereiraa oaoa mau e ua pou pou roa to matou aau.

Ua tairuru matou i te vahi hoê e ua faaroohia te mau parau faahiahia no te mau fenua moana, na Maratini e Farani Fulumare te na auvaha no te Tahiti ma.

Ua tae atoa mai e raverahi te mau taata maoahi no Iosepha (te fenua haaputuputuraa no te mau taata maoahi no te mau fenua moana) e mau taata Ovaihii ratou. E mea navanave roa te ratou mau himene.

Te mau orometua manahini no Tahiti mai, ua faatamaahia ratou i te fare no Olive ma, e te tahi pae ua taoto i reira. Ia oti te Sabati ua ho'i ana'e mai matou i to matou ihora mau oire ma te haamana'oraa i to matou mau hoa i Tahiti e i te Tuamotu.

Toae a Maere, Faaau Parau,
Rue Dumont d'Urville, Orovini, Papeete, Tahiti.

Frank J. Fullmer, Imprimeur,
2532 Seventh East Street, Salt Lake City, Uta, U. S. A.